

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat

Inatsisip atuuffigisaa

§ 1. Inatsisartut inatsisaanni matumani Kalaallit Nunaanni Namminersornerullutik Oqartussat Kalaallillu Nunaanni kommunit akiligassiissutaannik akiliisitsiniartarneq pineqarpoq.

Imm. 2. Inatsisartut inatsisaat una Inatsisartut inatsisaat peqqussutaallu ataani taaneqartut tunngavigalugit akiligassiissutaalersimasunut atortuutineqarpoq:

- 1) aningaaasarianit akileraarutit pillugit Inatsisartut inatsisaat,
 - 2) pappiaqqanik nalilinnik naqissusiinermi akitsuut pillugu Inatsisartut inatsisaat,
 - 3) eqquiniaasitsinermi akileraarutit pillugit Inatsisartut inatsisaat,
 - 4) aningaaasanik ikisilluni pinnguaatinut akileraarutit pillugu Inatsisartut inatsisaat,
 - 5) umiarsualivimmieinnermut akileraarutit pillugit Inatsisartut inatsisaat,
 - 6) qamutit motoorillit akileraarutaat pillugit Inatsisartut inatsisaat,
 - 7) raajanut akitsuutit pillugit Inatsisartut inatsisaat,
 - 8) inuussutissarsiutitigut ilinniagaqarnermut sulisitsisut akiliutaat pillugit Inatsisartut inatsisaat,
 - 9) Kalaallit Nunaannut, Kalaallit Nunaannit Kalaallillu Nunaanni usinik imaatigut assartuineq pillugu Inatsisartut peqqussutaat,
 - 10) inuussutissarsiutinut ilinniartitaaneq, ilinniagaqarnermut tapiissutit inuus-sutissarsiutinullu tunngasunik siunnersuineq pillugit Inatsisartut peqqussutaat,
 - 11) inissianik attartorneq pillugu Inatsisartut peqqussutaat,
 - 12) inissialiornermut tapersiissuteqartarneq pillugu Inatsisartut peqqussutaat,
 - 13) aalisarnikkut, piniarnikkut nunalerinikkullu tapersiisarneq pillugu Inatsisartut peqqussutaat,
 - 14) kommunit inuutissarsiutini aningaaasaleeqataasinnanissaat pillugu Inatsisartut inatsisaat,
 - 15) meeqqanut akilersuutit il.il. kiisalu meeravissiartaarnermi tapiissutit tunniunneqartarneri pillugit Inatsisartut peqqussutaat, aamma
 - 16) pisortanit ikorsiissutit pillugit Inatsisartut peqqussutaat.
- Imm. 3.* Aamattaaq Kalaallit Nunaanni Namminersornerullutik Oqartussat kommunillu akiligassiissutaat, paaqqinnittarfinni angerlarsimafifmnili ulluunerani meeqqanik paaqqinnittarnernut, kiassarnermut, innaallagissamut, imermut, eqqaanermet, pujoorfinnik paaviaanermullu innuttaasut suliffeqarfiillu akiligassaasa akilersinniarneqartarnerini Inatsisartut inatsisaat manna atuuppoq.

Akiliisitsiniartarneq

§ 2. Akiligassiissutit § 3-mi, imm. 4 -mi aamma 5-im i taaneqartut aammalu inuussutissarsiutinut ilinniartitaaneq, ilinniagaqarnermut tapiissutit inuussutissarsiutinullu tunngasunik siunnersuineq pillugit Inatsisartut peqqussutaat aamma pisortanit ikorsiissutit pillugit Inatsisartut peqqussutaat naapertorlugit aamma paaqqinnittarfinni angerlarsimaffinnilu ulluunerani meeqqanik paaqqinnittarnermut kiisalu pujoorfinnik paaviaasarneq, Namminersornerullutik Oqartussaniit kommunillu akiligassiisutit Kalaallit Nunaanni eqqartuussisarneq pillugu inatsimmi nr. 271, 14. juni 1951-imeersumi kapitali 7-im i, kingullermillu inatsisisikkut nr. 151-ikkut 31. marts 1993-imeersukkut allangortinneqartumi, kapitali 7-an, § 1, imm. 2-mi malittarisassat tunngavigalugit, pinngitsaaliinikkut akiliisitsiniartarnerup pissuseqataanik akilersinneqarsinnaapput.

§ 3. Akiligassiissutit § 1-im i taaneqartut akiitoqartup akiliisitsiniartartullu akornanni isumaqatigiissut tunngavigalugu, akiitsullip aningaasariassaminiit ilanngartuinique aqqutigalugu akilersuinissaq piumasarismappagu, ilanngartueqqusummik piumaffigineqartoq pisussaatitaavoq peqqussut malittarissallugu.

Imm. 2. Imm. 1 naapertorlugu ilanngartuinissaq pisinnaavoq aningaasarsianit suugaluanilluuniit tamanit, matumani sulifeqarnikkut akissarsiat, siulersuisunut, ataatsimiititalianut, kommissioninut, rådinut assigisaannullu ilaasortaanermi ikiortaanermiluunniit akissarsiat, utaqqiisaagallartumik aningaasarsiat, soraarnerussutisiat aammalu assingusunik ikorsiissutaasunit Kalaallit Nunanni tunniunneqartartut, naalagaaffiup, landskarsip, kommunit, pisortat imaluunniit inuinnaat karsiinit akilerneqartartut ilanngullugit, kiisalu aningaasarsianut aalisnermit, piniarnermit, aallaaniarnermit, savaateqarnermit, tuttuuteqarnermit sanalunnermillu tunisassianik Kalaallit Nunaanni tunisinermi isertitarineqartartut.

Imm. 3. Taamatut ilanngartueqqusummik peqquneqartup akiliisitsiniartartoq ulla tallimat qaangiutsinnagit nalunaarfigissaavaa, akiitsulimmut aningaasarsisitsisarunnaarsimaguni. Tamannattaaq atuutsissaaq ilanngartueqqusummik peqquneqartoq, akiitsulimmut aningaasarsisitsisar simangikkuni.

Imm. 4. Akiitsulimmut aningaasarsiarititamik imm. 1 tunngavigalugu ilanngartuisoq, aningaasat ilanngartugarisimasat akilerneqarnissaannut akisussaatinneqarpoq.

Imm. 5. Ilanngartueqqusummik imm. 1-imitaaneqartumi peqquneqartoq, ilanngartuinissamut peqqussut malittarismangippagu, immikkorluinnaq ittumik qularnaallisarsinnaanngikkuniuk sumiginnaasimanani, aningaasanut akilerneqartussanut akisussaatinneqassaaq.

Imm. 6. Aningaasat imm. 1 naapertorlugu ilanngartuutaasimasut qaammatip ilanngaassuiffigineqarsimasup ulluisa kingullianni akiligassanngussapput, ki-ngusinnerpaamillu akilerneqartussaallutik qaammatip tulliani ulluinnarmi kingullermi.

§ 4. § 3, imm. 1-im i aalajangersakkat feeriarnisiassanut, feeriarnersiutinut immikkut ittunut, feeriarnermi tapisanut feeriarnerullu nalaani akissariassanut atutissanngillat, taakku aningaasartaat piffissami feeriarfissamik katersivigineqartumi akissarsiat annerpaamik 15%-erippatigit.

Imm. 2. Imm. 1-im i tunniunneqarsinnaasutut taaneqartutigut tunniunneqartunit ilanngaassisqarsinnaanngilaq, taakku aningaasartaat piffissami feeriarfissamik katersivigineqartumi akissarsiat annerpaamik 15%-erippatigit.

Imm. 3. Ilanngaassisnissamik peqqussuteqarfingineqarsimasup imm. I-im 2-milu taaneqartutut pisuni aningaasat tunniunneqarnerini ilanngaassisssanngilaq, kingusinnerpaamilli qaammammi

tunniussivigineqartumi ulluinnaq kingullermi akiliisitsiniartartoq tamanna pillugu nalunaaruteqarfingissallugu.

§ 5. Akileraarutaagallartunut akiliutaavallaarsimasut, matumani aningaasarsianit akileraarutit pillugit Inatsisartut inatsisaanni nr. 5-imi, 19. maj 1979-i-meersumi § 50 tunngavigalugu utertinneqartut, tunniunneqalersinnagut, kommunit allat imaluunniit Namminersornerullutik Oqartussat akileraartartup akileraarutinut, utertitassanngorlugit ikioriissutinut, pilersuisussaatitaanermut akilersuutit siumoortumik tunniunneqartartunut, Ineqnarnermut Tapersiisarnermut Ataatsimiititaliamiit aningaasat attartortissimasaanut, Inuussutissarsiatutinut Tapersiisarnernut Ataatsimiititaliamiit aningaasat attartortissimasaanut aammalu kommunit inuussutissarsiatutigut suliffeqarfinnut aningaasatigut attartortissimasaanut akilerneqartussanngoreersimagaluartunut akiligassarisaanut naapertuuttunik utertoorutissanit ilanngartuisinnaatitaapput.

Imm. 2. Aningaasanik tunniunneqartussanik tunniussisussap ilanngartuisoqarsimanera akileraartartumut nalunaarutigissavaa.

Akisussaaneq

§ 6. Aappariit inuillu nalunaarsorneqarsimasumik aappariittut inooqatigiit, inissianik attartorneq pillugu Inatsisartut peqqussataat tunngavigalugu akiligassanut kiisalu eqqaanermut pujoorfinnilu paaviaanermut atatillugu Namminersornerullutik Oqartussat kommunillu akiligassiissutaannut assigiimmik akisussaaqatigiipput.

Imm. 2. Imm. 1 naapertorlugu assigiimmik akisussaaqatigiinneq, aappariinnerup imaluunniit aappariittut nalunaarsorneqarsimasutut inooqatigiinnerup nalaani akiligassiissutaasimasunut taamaallaat atuuppoq.

Imm. 3. Aappariit meeqqamut meeqqanulluunniit pilersuisussaatitaanermik aalajangersaavigineqarsimanngippata imm. 1-mi aalajangersagaq aammattaaq Namminersornerullutik Oqartussat kommunilu paaqqinnittarfiini, angerlarsimaffinnilu ulluunerani paaqqinnittarnermut akiligassiissutaannut atuutsinnejarpooq.

Suliffeqarfinnik sulisussarsiarinnittarneq

§ 7. Sanaartugassanut suliassanullu allanut suliffeqarfifit sulisussarsiarineqarnerini imaluunniit nioqququtissanik kiffartuussissutissanilluunniit inniminnisoqartillugu Naalakkersuisut kommunalbestyrelsilluunniit aalajangersinnaavaat aalajangiinermi suliffeqarfifit akilerneqanngitsunik akileraarutinut, akitsuutinut imaluunniit inuussutissarsiatutigut ilinniagaqarnermut sulisitsisut akiliutaannut akiligassaqartoqarneraisigineqassasoq.

Imm. 2. Imm. 1-imi aalajangersakkat pilligit Naalakkersuisut malittarisassanik erseqqinnerusunik aalajangersaasinnaapput.

Paasissutissiisussaatitaaneq

§ 8. Sulisitsisut, kukkunersiusut, suliakkiisut, pisut, assartuisut, nassiuissanik aaqqissuillutillu ingerlatsisut il.il. akiliisitsiniartartup akiitsunik akiliisitsiniarnermini atugassaminik paasissutissanik

piumasaqarfigippattik paasissutissanik pingaaruteqarsinnaasunik tamanik, akiitsoqartup inuttut allanit sunissaqarani pissuserisaanut attuumassuteqanngitsunik, pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8, 13. juni 1994-meersumi § 28 naapertorlugu, tunissavaat.

§ 9. Aningaaseriviit, sparekarsit, andelskarsit, aningaasanik nioqquteqartartut, pappiaqqanik aningaasanik nalilinnik nioqquteqartartut, eqqartuussissuserisut, sillimmasiisarfut allallu aningaasanik aqtassaminnik tunineqartartut, imaluunniit inuussutissarsiornermut atugassanik aningaasanik taarsigassarsisitsartut, Akileraartarnermi Pisortaqaqrifiup piumasaqarneratigut akiliisitsiniartartunut akiitsullit aqqisigut taasat makkunuunatigut paasissutissiissutigisassavaat:

- 1) tigutsisaat, taarsigassarsiaat, peqqumaataat aningaasanilluunniit toqqorsivii,
- 2) taarsigassarsiaasa aningaaserivinnilu uninngatitaasa imaluunniit aningaasatigut paarititaasa taakkulu ernaasa amerlassusaat,
- 3) tigutsisit taarsigassarsialluunniit allanngorarneri, matumani checkit tiguneqarsimasut ikineqarsimasullu pilligit paasissutissat ilanngullugit,
- 4) pappiaqqat aningaasanik nalillit aningaaserivimmuit tunineqartut, aamma
- 5) taarsigassarsianut tigusinernullu qularnaveqqusiissutit.

Piginnaatitsissutit

§ 10. § 1, imm. 2-mi aamma 3-mi Inatsisartut inatsisaat peqqussutaallu taaneqartut tunngavigalugit akiligassiissutinik akiliisitsiniartartut akiliisitsiniarnerinut atatillugu akiliuteqartitsarneq pillugu malittarisassanik Naalakkersuisut aalajangersaasinnaapput.

§ 11. § 1-mi Inatsisartut inatsisaat peqqussutaallu taaneqartut tunngavigalugit akiligassiissutinik akiliisitsiniartarnermi periusaasut pilligit malittarisassanik Naalakkersuisut aalajangersaasinnaapput.

Unioqqutitsinerit

§ 12. Kinaluunniit § 3-mik piaarluni imaluunniit mianersuaalliorujussuarluni akiitsullip aningaasarsiaatigut ilanngartueqqusinermut peqqussutaasumik malinnissimanngitsutut imaluunniit aningaasanik ilanngartuissutaasimasunik akiliiffissarititaasoq eqqorlugu akiliisimanngitsutut unioqqutitsisoq akiliisitaanermik, matumani ullormoortumik akiliisitsinerit ilanngullugit, pillarneqarsinnaavoq.

Imm. 2. Kinaluunniit § 4, imm. 3-mi, § 8-mi aamma § 9-mi taaneqartumik piaarluneerluni imaluunniit mianersuaalliorujussuarluni paasissutissanik tun-niussinngitsoq imaluunnit eqqunngitsunik imaluunniit paasinerluisitsisinnaasunik paasissutissiisoq akiliisitaanermik, matumani ullormoortunik akiliisitsinerit ilanngullugit, pillarneqarsinnaavoq.

Imm. 3. Imm. 1-im i maluunniit imm. 2-mi taaneqartut arlaat piginneqatigiiffimmit, peqatigiiffimmit, suliffeqarfik imminut pigisumit, aningaasaateqarfimmit assigisaanilluunniit unioqqutinneqarsimappata, taava inuttut inatsisitigut akisussaasutinnejarsinnaasoq pillaammik akiliisussanngortinneqarsinnaavoq. Naalagaaffik, Namminersornerullutik Oqartussat, kommunit, imaluunniit kommunit suleqatigiiffiat

unioqqutitsisimappata, kommunalbestyrelsit nunaqarfinni aqutsisut il.il pillugit Inatsisartut inatsisaanni, § 64 naapertorlugu naalagaaffik, Namminersornerullutik Oqartussat, kommunalbestyrelsi imaluunniit kommunit suleqatigiiffiat, akisussaanermik pillaatissatut akiliisitaasinnaapput.

Atortuulersitsineq

§ 13. Inatsisartut inatsisaata piffissaq atortuulerfissaq Naalakkersuisut aalajangersassavaat.

Imm. 2. §§-it 2, 3, 5 aamma 7 akiligassiissutinut Inatsisartut inatsisaata matumap atortuulersinneqaneraniit ukiut tallimat sioqqullugit pisoqaassuseqartunut taakkuninngaluunniit kingusinnerusukkut pilersimasunut atuutissapput.

Imm. 3. § 6-imi akiligassiissutit pineqartut Inatsisartut inatsisaata ullormi atortuulersinneqaneraniit tassangaluunniit kingusinnerusukkut pilersimasunut atuutissaq.

Namminersornerullutik Oqartussat, ulloq 2. maj 1996

Lars Emil Johansen

/

Daniel Skifte

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut